



Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu dolor na nos curason, nos ta participa
fayecimento di nos ser stima:

Rino A. R. Wentwoord
*29-09-1973 - †02-10-2024

Acto di despedida lo wordo anuncia despues



“Dios ta amor... y amor ta Dios, maske mi no ta
na e mundo aki, tur dia lo mi ta banda di boso
Curazon, mi por stens di loke Señor ta hasi”
Salmo 33

Ta participa fayecimento di:

**Christina M. van den
Berg-de Freitas**
*13-03-1938 - †02-10-2024

Acto di despedida lo wordo anuncia despues



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”. - Salmo: 23

**Alfonso Segundo
Solognier**

Cariñosamente yama : “Fong”
*01-06-1939 - †30-09-2024

Acto di entiero lo wordo anuncia despues



Lagrima y floman por seca, su recuerdonan y tur
loke el a haci y significa pa nos, lo keda graba
pa semper den nos mente y curason.
“Cerca Dios mi alma ta na paz, ta di DJ'E mi
salbacion ta bin”
Salmo 62:1

Cu dolor na nos curason, nos ta participa
fayecimento di nos ser stima:

Juan R. Tromp
Cariñosamente yama “Robby of Juancho”
*27-12-1946 - †01-10-2024

Acto di entiero lo wordo anuncia despues



E Santo di Paz y protector di e animalnan

Awe ta dia di San Francisco de Asis

TUR 4 di october, Iglesia Catolico ta celebra e
fiesta di San Francisco de Asis, conoci como
e patrono di e animalnan, medio ambiente y
e fundado di e Orden Franciscano. Su bida,
marca pa humildad, e amor pa naturalesa y
su dedicacion na paz, ta sigui ta un ehempel
inspirador rond mundo.

Un caminda di conversion

Naci na 1181 na Asis, Italia, como Giovanni di
Pietro Bernardone, Francisco a crece den un
famia di manera. Su hubentud tabata despre-
ocupa y e tabata disfruta di e placernan di
bida, pero su destino a dal un buelta radical.
Despues di un serie di experiencia, incluyendo
un malesa grave y e contacto cu pobresa,
Francisco a cuminsa sinti e yamada na un bida
di mayor espiritualidad y desapego di e bienes
material.

Renunciando na rikesa y e privilegionan di su
famia, Francisco a opta pa biba den pobresa,
dedicando na oracion y e servicio di esunnan
den mas mester. Su vision di un bida simpel
y su mensahe di amor pa tur criatura a hacie
gana siguido, dunando luga n’e fundacion di
e Orden di e Frailenan Menor, tambe conoci
como e Franciscanonan.

Amor pa Naturalesa y Animal

Un di e aspectonan mas emblematico di San
Francisco ta su amor profundo p’e creacion.
Segun e tradicion, e tabata papia cu e
animalnan y e tabata trata nan manera ruman.
E amor universal aki pa tur criatura bibo ta loke
a hib’e na ta proclama patrono di e animalnan
y di e medio ambiente.



Un di e storianan mas conoci di su bida ta conta
con el a predica n’e parhanan y a convence un
wolf feroz den e ciudad di Gubbio pa stop di
ataca e habitantenan a cambio pa nan dun’e
di come. E relatonan aki ta simbolisa e paz y
harmonia cu naturalesa cu tanto Francisco
tabata promove.

Legado di Paz y humildad

San Francisco tambe ta recorda pa su mensahe
di paz y reconciliacion. Den tempo di guera y
tension, e tabata boga pa dialogo y frater-
nidad. Su oracion mas famoso, e “Oracion di
San Francisco”, ta pidi pa ta instrumento di
paz, hibando amor unda tin odio y speransa
n’esunnan sin speransa.

E impacto di su bida y su obra a trascende e
siglonan. Su ehempel di humildad, respet pa
creacion y amor p’esunnan mas pober a laga
un marca profundo no solamente den Iglesia
Catolico, sino tambe den e movementonan
ecologico y cerca esunnan cu ta lucha pa
husticia social.

Festividad y celebracion

Tur 4 di october, e comunidadnan cristian rond
mundo ta conmemora San Francisco de Asis cu
misa, bendicion di animal y acto cu ta celebra
e respet p’e medio ambiente. Su mensahenan
ta sigui ta relevante awendia, den un mundo
cu ta enfrenta crisis ecologico y social.

San Francisco de Asis ta invita nos na reflex-
iona riba nos relacion cu naturalesa, cu e
otro y cu nos mes y ta recorda nos cu paz
y e simplicidad por ta caminda na un bida mas
pleno y significativo.



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:

Leopoldo Willems
*15-11-1943 - †15-09-2024

Acto di entiero lo wordo anuncia despues.